



## QUÆSTIO MEDICA,

QUODLIBETARIIS DISPUTATIONIBUS,

*manè discutienda in Scholis Medicorum,  
die Jovis secundâ Decembris.*

M. FRANCISCO PICOTE' DE BELESTRE,  
Doctore Medico, Scolarum Professore, Præside.

*An Medicina, non tam librorum lectione, neque tam usu ipso,  
quam verâ traditione addiscitur?*

I.



EDICUS non est omnis qui sanare videtur; sed qui apposite curat ad sanandum. Is ducem semper sequitur naturam quæ licet ἀπαίδευτος ἔμπαίδεσσι, ἐμπαιδὲς semper operatur, nisi impedita aut prostrata, qua refragante irrita omnis curatio. Ideo totum ipsi bene agentis sanitatis conservandæ aut reparandæ negotium relinquit, languenti vel oppressæ ἐν ἡγεμονίᾳ δόκτινι καὶ αἰσῶν προνομίᾳ opitulatur, effectæ demum manum non admovet. Nullum horum decernere potest quin naturam cognoscat operantem, tam sanam, quam ægram. Utriusque primum principium seu materia informis decurrit cum sanguine materno; secernitur figurâ testium; dispositiones

A

remotas ad receptionem formæ seu structuram ovi acquirit eorundem texturâ & proprio suarum particularum motu ; proximas seu ovi fecunditatem seminis virilis irradiatione ; formam singularum partium ab intestino particularum ipsiusmet ovi fecundati motu. Atque hæc est rudis & inchoata singularum partium natura, quæ perficitur & incrementum accipit in utero, atque ex propriis singularum partium exurgit totius corporis natura : quæ sic constituta quam plurimas subit mutationes, tam in utero quam extra uterum, à variis causis sive extrinsecis sive intrinsecis. Hinc nec in omnibus hominibus, nec in eodem semper homine, eadem est, ideo nec eodem semper modo sua exercet opera. Ea tamen sedulo & diligenter contemplari debet Medicus, ut ex iis eruat agendorum indicationes, quæ in legitimo & unicuique, non eodem quovis tempore debito, rerum non naturalium, & Præsidiorum ex diætâ, Pharmaciâ & Chirurgiâ depromptorum usu consistunt. Hæc omnia assiduâ licet librorum lectione, omnique conatu & molimine, sed *αυτοδιδακτος* lustrare, mente concipere & memoriâ continere qui voluerit, vitam suam ad extremum senium & quidem longissime productam angustioribus nimium temporis spatiis circumscriptam comperiet. Imo si, quacunque operâ hæc abunde satis edoctus, propria primum industriâ in usum revocare aggrediatur, scipissime deprehendet, quam obscura sit morborum & causarum cognitio, quam ardua prognosis, quam difficile captandæ occasionis iudicium, quam fallax eorum quæ profunt vel nocent experientia. Has omnes difficultates ut superet, qui veri Medici titulum & munus ambit, compendiarium simul & amplam apertam tritam & locupletatam veterum ac præsertim Hippocratis & Galeni monumentis Medicinæ addiscendæ semitam inecat : quâ vitæ brevitatem cum artis longitudine conciliabit ; quæ implicita sunt & obscura, minori negotio evoluet & explicabit ; facilem atque securum sibi comparabit medendi usum ; veraque & tuta experimenta discernet à nocivis tentamentis & periculis, quæ ambo arceat ; illa, propter usurpantis improbos mores simul & insciam, puniendâ ; hæc vero, quia dogmaticis Medicis illicita solisque imperitis & periclitantibus relinquenda.

## I I.

**M**EDICI officium est sanitatem conservare similibus, morbos depellere contrariis. Sanitatis ratio versatur in

humano corpore : subjectum enim sanitatis , est corpus humanum ; forma , consistentia corporis ; finis , actio ejusdem integra ; causa efficiens , natura corporis ; quæ utitur Calido nativo velut instrumento , eoque duplici , insito quod in intimâ partium quas constituit substantia hæret , & influente quod *αεικίνητος* per vasa fertur in omnes corporis partes , easque velut aura suavis salubriter perflat , illustrat , vivificat & insitum ( alioquin iners & ignavum ) excitando & in actum promovendo , singularum partium munia compler. Natura sana percipitur actionum integritate : quæ pendet à convenienti partium texturâ , figurâ , magnitudine , numero , situ , & unione ; necnon substantiarum , quibus constant fluidæ partes commodatione *ἡ κρήσις* , & *διάρθρωσις* , & *ἡ πλῆθυσ* , maximeque mixtione. Contra agrotareprehenditur ex earundem actionum læsione , ortâ à partium solidarum vitio , vel molis sanguineæ redundantîâ , aut inopiâ , vel vinculi , quo ejus partes ad se invicem conjungebantur , dissolutione ; adeout harum aliquæ intus fecerint , *ἡ τὴν μίανυσιν* seu vacuitatem in aliis à quibus disjunguntur , & *τὴν πλεονέκειαν* seu redundantiam in loco in quem secedunt , & *ἡ τὴν ἀποκρίσιν* seu secretionem quâ sine aliarum consensione proprias suas vires exerunt. Egritudines omnes , quæ curationem admittunt , ipsamet natura sanat : plures per se sola sine ullo rerum alienarum interventu ; plerosque adjuncta ab arte Medicâ ejus ministrâ , quæ , præceptis & legibus quamplurimis addicta , auxiliis eget. Auxiliorum inventio indicatio dicitur , ut pote quæ fiat indicio affectus & loci affecti , quorum cognitionem sequitur : unde & *ἡ μυσὶς ἀκαταστάσις* appellatur , & quia in lucem profert præcepta quibus velut firmis fundamentis niti debet omnis Curationis affectus ejusdem speciei in singulis individuis. Auxilia quidquid cœli ambitu continetur & artes fere omnes includunt. Medicus non deliget præsidium , cujus vires & proprietates ignoret. Hinc tam ratione scientiæ quam ratione operis late patet Medicinæ ambitus : quam inchoare & perficere non est unius ætatis. Ludit itaque operam qui , ut nova quærat & amplectatur , priscis temporibus inventa , collecta , illustrata spernit , aut negligit. Inventi remedii longe operosior usus : ad quem assequendum duobus velut pedibus incedit Medicus , iudicio & experienciâ. Illud difficile propter mutabilitatem & inconstantiam corporis humani pluribus accidentibus obnoxij , in

Hippocra.  
lib. αὐτοῦ  
οὐκ ἀνέχεται  
τοῦ.

τὴν ἑνὸς  
μετὰ τὸν

quo intellectus suæ actionis solidum fundamentum non habet : unde occasionis, dominæ rerum eligendarum, fugacitas, quæ nisi prima fronte arripiatur, semel elapsa vix recuperari potest. Experientia demum ut periculosa propter subjecti nobilitatem, ita & fallax propter peculiarem cujusque hominis naturam & dubiam exitus morborum causam. Incongruâ siquidem remedium administratione sæpe geminatur in morborum medelâ naturæ labor, cui succumbit etiam vegeta & in levioribus affectibus : nonnumquam, ubi exoluta creditur, suis quæ latebant viribus morbi vehementiam infringit ac superat & illatam à medicamentis noxam eludit. Hinc eorum error qui ex solis eventibus propriam sibi experientiam jactant novæque medendi leges venantur. Contra sapiunt qui plurimorum sæculorum usu comprobatis documentis & perceptis potius, quam novis utuntur remediis, quorum majores nostri tulerunt pericula.

### III.

**I**DEM hominis & Medicinæ principium, non idem artis Medicæ. Primam hujus originem ante tempora Hippocratis frustra quærit qui ejus sacris initiari vult. Nec minus vana est quæstio de majori aut minori necessitate, utilitate, & dignitate unius supra alias hujus disciplinæ partes, quarum nulla sine cæterarum consortio stare nequit in architectonice, quæque omnes idem objectum ac eundem finem habent. Unam ab aliis sejungere ratione diversitatis mediorum, quibus ars utitur, solis expedit ejus ministris, qui horum quæ tractanda susceperint præstantiâ & utilitate illecti, ipsis excolendis & concinnè magis ac expeditè manu exercendis studiosius se devoteant. Legitima enim institui potest disputatio de prærogativâ cujusunque ex iis tribus asclepiades ministris. Princeps Medicorum agnoscitur Hippocrates, quod primus omnes macrocosmi iatrici regiones pernavigaverit & peragraverit cum suis discipulis, quibus totius itineris laconice perscriptam historiam reliquit, in quâ non pauca desunt, & adulterina plurima interjecta sunt. Veritus ne rerum quas continet multitudine obrueretur eorum memoria, illam in selectas sententias velut *Επεφύλακτος* & *Ευδαιμονία* contraxit sex & septem ad summum aphorismorum libris. Huic concisæ scribendi rationi quasi connata obscuritas & ambiguitas tot peperit interpretes, ut vix dinumerari queant, quorum discordia est de mente summi dictatoris. Inde

5

variæ diversis sæculis, & quidem hacce nostrâ ætate, hæreses, quas aut alias non evitaveris sine optimo duce & rectore. Galenum si Consulas fidelissimum & locupletissimum omnium divini senis interpretum, minus peccabis; sed cave, ne Asiana ejus prolixitas molestam satietatem tibi creet, nec in omnibus jures in ejus verba. Quæ diffusè scripsit, quatuor libris seu compendiis complecti sibi visus est; at in his plurima desiderantur. Cæterorum qui post Galenum medium docendi modum tenuerunt ne unum reperias qui Medicinæ corpus omnibus partibus absolutum tradiderit, & cui omnino fidere tutum sit. In iis angustis expedita & parata res est, habere aliquos qui multorum annorum vigilias in unius horulæ dissertationem cogant; tot res tam varias, tam dissipatas, tam undique accersitas, sub unum aspectum conjiciant; obscuris veterum perinde ac recentium authorum locis sic tanquam itineribus peragratis, quo volueris postea, quam minimo circuitu perducant, atque imprimis acceptam à majoribus serie temporum Medicinæ scientiam tibi conferant. Nec dispari via incedas ad eam partem quæ in actione consistit positam in morborum diagnosi prognosi & therapeia. Hac enim non satis informat quotidianus in medendo usus, nisi accedat à veteribus ad nos velut per manus derivata Medicinam faciendi ratio & ore nudique verbi testimonio consignata traditio.

#### IV.

**V**ETEREM Medicinam, ut pote gentilitiam, à parentibus hæreditario jure tradi solitam liberis, nemo non fatetur. Hinc παιδομαθείη quâ ἰητῶν παῖδες aut πεπαιδευμένοι seu periti dicti primæ classis Medici, ἐν τῷ ἰητρικῷ sine ulla meditatione, per solam cadaverum, aut eorum quæ peragebantur circa ægros eò deportatos inspectionem, anatomen, Chirurgiam & Pharmaciam ediscebant: διδασκαλίη quâ δημῶντες aut κλινικοί, ægrorum lectis affixi, in arte jam provecti instituebantur ab architectonicis Medicis ægros invisentibus. Hæc nascentis Medicinæ primordia & rudimenta ostendunt, cui methodo insistere debeant, non tantum qui in arte nunc vigente tyrocinium ponunt, sed & qui aliquam ejus peritiam & industriam assecuti sunt. Illis multum erit à teneris annis optimorum professorum documentis naturam scrutari; ejus & auxiliorum, quibus idonea servatur functionibus suis rite obeundis, notitiam habere; mor-



borum omnium & symptomatum essentiam, eorumque differen-  
 tias omnes sigillatim investigare, & memoriæ mandare; ipso-  
 rum causas accurate rimari; quibus signis tam morbus ipse,  
 quam causæ & pars affecta, sese prodant, & horum quæ sit con-  
 nexio, expendere; unde desumendæ sint præsidiorum indicatio-  
 nes, quid earum unaquæque præstandum insinuet, aut quid eis  
 refragetur, & inter eas quæ potiores, quæ minus præcipuæ, exa-  
 minare; ab his quam varia procedant curationum genera, quæ  
 & quando earum unaquæque in usum revocanda, quibus ipsa  
 præsidii inchoanda & perficienda, studiosius observare; in re-  
 mediorum omnium ex diætâ, Pharmaciâ & Chirurgiâ petitorum  
 naturam, differentias, vires, & effectus, non cogitatione mo-  
 do, sed præsertim sensibus incumbere; quibus, quando & qua  
 ratione iis utendum, & quâ quantitate eorum singula exhiben-  
 da vel celebranda, pro cuiusque naturâ, ætate & viribus, di-  
 stinguere; medicamentorum simplicium & compositorum de-  
 lectum, præparationes varias, componendorum præcepta, &  
 præscribendorum formulas, callere. Theoriæ iatricæ tyrocinio  
 qui exeunt nisi duces sequantur viros expertissimos qui ipsos  
 erudiant eodem quem ab avis acceperunt illorum omnium usu,  
 & velut digito singulatim ostendant in ægris, cum singulorum  
 se dat opportunitas, cæcutient sapissime in diagnosi & prognosi.  
 Aliud enim inexperto memoriâ tenere rerum cognoscendarum  
 signa, aliud eadem in singularibus deprehendere, multo magis  
 in Medicis, in quibus rerum similium dissimilitudines, dissimilium  
 similitudines, vel oculatissimis & perspicacissimis erroris ansam  
 præbent. Nec minus aberrabunt in Therapeia cuius summa  
 cum posita sit in agendorum occasione, hæc citissime præterla-  
 bens, iis quibus antrorsum instructa est capillis obteggit quas præ  
 se fert indicationes, non nisi à sagacissimis percipiendas; vel si for-  
 te à tergo animadvertantur, posticâ calvitie apprehendi se non  
 sinit: adumbratam vero ejus effigiem qui cæperit, gravissime  
 peccat in res ægrotantis. Nulla quoque ducentur experientia,  
 quæ diuturnum postulat usum in curatione innumerorum diversi  
 generis morborum multoties iterata secundum artis leges. Ha-  
 rum nonnullæ cum sua obscuritate negotium faceßant medenti-  
 bus, imo eos in diversas velut sectas pertrahant, genuinus ha-  
 rum sensus haud aliter accipiendus quam ex probato per plura  
 sæcula usu solâ traditione detegendo.

**A**UREIS litteris ad perpetuam memoriam consignandum  
 effatum Tullianâ eloquentiâ ornati, Medicorum melioris  
 notæ doctrinâ illustrati, & intemerati purioris Medicinæ fontis  
 ore sæpius emissum, hisque verbis conceptum Medicina est ars  
 sanandi ratione & experienciâ constituta, quam docet à vete-  
 ribus transmissa nudis verbis & operibus traditio, corroborat  
 usus, regit eximia intelligendi ac judicandi vis. Quamobrem  
 Sapientiæ est vulgaris dignoscere Medicos, non tantum à sepla-  
 siariis, circulatoribus, scenicis, qui unico remedio variisque pol-  
 licitationibus ludunt populi stoliditatem ne dicam amentiam,  
 aut ab aliis ejusdem farinæ imberbibus adolescentibus, & cu-  
 jusvis alterius ætatis imperitis hominibus, qui licet ne prima  
 Medicinæ rudimenta didicerint unquam, ex prospero cujusdam  
 exotici remedii, quod casu in eorum manus incidit successu  
 insolescentes, singulis morbis, quorum nullum noverunt, ac-  
 commodata sibi præsto esse præsidia haud minus insolenter  
 quam falsâ ostentatione prædicant, eaque cum ingenti com-  
 pendio, etsi in magnam ægrotantium perniciem, venundant: sed  
 & mirari temeritatem, aut potius impietatem illiteratorum  
 fratrum Cucullatorum, aliorumque ejusdem generis ardelionum,  
 ab instituto religioso transfugarum, vel ejusdem exteriorem fa-  
 ciem servantium, qui postquam maximam suæ ætatis partem in  
 strictioris vitæ obsequiis & officiis, ideoque sine artis Medicæ stu-  
 dio contriverunt, eligentes temporalis peccati habere jucundi-  
 tatem quam Christi improprium, impudenter irrumpunt emen-  
 titæ charitatis imagine vel potius larvâ, & sese temere immis-  
 cent curandis quibuscunque ægris cujusvis sexus & ætatis. Nec  
 minus evidenter arguitur impudentia Pharmacopæorum & Bar-  
 bitonforum, qui eadem quæ acceperunt à Medicis aut usurpari  
 observaverunt præsidia, velut abstrusa & sibi tantum cognita  
 mysteria prædicant, spretisque artis legibus, quas ignorant,  
 credulorum curationem procaciter suscipiunt, ac suis præstigiis  
 & captionibus eorum crumenas emungunt. At vel sapientiori-  
 bus fucum faciunt Personati & Gregarii Medici inani Doctoris  
 titulo, amplissimis Diplomatis accuratius delineatis, sigillo gran-  
 diore munitis, loris sericeis versicoloribus in saqueos signa-  
 tis, & quidem amicorum favore extortis, vel vi argentea aut  
 alienæ doctrinæ periclitatione vel rudi eruditione emptis atque

M. Tassa-  
 nus Fon-  
 taine Med.  
 Paris.

adeptis : Hos tamen facile internoscet quicumque observaverit ipsos minime instrui potuisse traditione , quæ sine peritorum Medicorum colloquiis & apud ægros congressibus comparari nequit. Præcipuum vero boni publici momentum in eo vertitur ut omnis asclepiadarum familia ; cui incumbit salutis publicæ invigilare , ὁμολησῶ ad servandas antiquas medendi leges ( ut pote quas peperit experimentorum longo usu verâ cum ratione comprobatorum memoria & quas non mutant quæ nova perhibentur systemata Medica , nec ἀμέθοδα & ἀλογα dicta remedia ) dociles nanciscatur discipulos , quos imbuat veterum placitis explanandis ad trutinam traditionis ; cuius fiduciarii sunt ii qui in artis operibus consenuerunt ; quorum est usum per plura sæcula confirmatum in rebus saltem dubiis & obscuris alios edocere , ne propriis & quidem recens factis experimentis ( quæ ideo vim legis habere non possunt & de quarum fallaciâ sapiens quisque diffidet ) vel novis tecmarseos regulis aut in alienos sensus detortis veterum axiomatis , in gravissimos & generi humano infensos errores inducantur. Consectrix enim Medicina non dicitur propter præceptorum inconstantiam , quæ ut communia ita firma esse debent , sed ab actionibus medentium , quarum incertus est à diversis causis exitus , & propter difficilem cognitionem propriæ cuiusque naturæ , quæ diuturnioris temporis verâ traditione in brevius contrahendi industriam & usum postulat.

*Ergo Medicina , non tam Librorum lectione , neque tam usu ipso , quam verâ Traditione addiscitur.*

Domini Doctores disputaturi.

M. Ludovicus Piquenet de  
Dragueville.

M. Claudius Barlet.

M. Alexander Petrus Mattot.

M. Claudius Bourdelin.

M. Joannes Franciscus Foy-  
Vaillant.

M. Alexius Littré.

M. Nicolaus Rainssant.

M. Petrus Pourret, unici frat-  
ris Regis Med. Ordin.

M. Antonius de Cæn.

Proponebat Parisiis GILBERTUS PUYLON Parisinus ,  
Baccalaureus Medicus. A. R. S. H. 1694.

Apud Franciscum Muguet , Regis & Facultatis Medicinæ Typographum.